

Ontvanger lo a paga hende robes

INVESTIGACION ANDANDO RIBA PLACA COBRA NA ONTVANGER

ORANJESTAD (AAN): Un investigacion ta andando di parti di Landsrecherche pa asina haya sa kende ta esun

culpabel di a cobra cierto cantidad di placa cu ta pertenece na otro persona.

Ta asina cu un ciudadano a

paga cierto cantidad di placa di mas na Belasting y awor cu esaki a sali na cla, e ciudadano aki a bay busca dre-

chi di e placa di mas cu el a cobra.

Pa sorpresa ora cu e ciudadano a bay check esaki, e ta worde notifica cu e placa cu e lo a paga "di mas", ya caba a ser cobra door di un otro persona.

Aki mesora stof a cuminsa lanta, mirando cu ningun momento so doño di culpa a lanta e placa cu e tabatin di mas paga na Belasting.

AccountantsDienst di Gobierno ta haciendo un investigacion pisa riba e caso aki y ya caba e directeur hasta a worde interroga di parti di e personal di Landsrecherche kende ta esnan cu tin e investigacion di e caso aki.

Si tur cos bay bon den e investigacion, y resulta cu berdad placa di ciudadano a worde cobra ilegalmente, e ora ey tur insinuacion ta bay den direccion di un of otro empleado publico cu a haci tal crimen.

E suma exacto cu lo a ser cobra ilegalmente, no ta

conoci, como cu na mes momento ta haciendo mas investigacion pa asina saca afor si tin mas hende cu a paga Belasting di mas y check si nan placa cu nan mester haya bek a somenta.

Otro caso tambe cu investigacion ta worde haci ta esun caminda comerciantenan a trata di scapa belasting mandando papelnan aden indicando cifranan mucho mas abao cu e mester ta, esta cu nan ta "ontduik belasting".

Ainda e investigacion aki no a caba y por papia si di un suma cu ta varia entre cuater y ocho mijon Florin.

Ban spera cu pronto un solucion bin pa e sorto di hendenan asina cu ta trata di scapa belasting mandando papelnan aden bao di loke nan ganashi ta.

Den hopi di e casonan cu Landsrecherche ta investigando na e momento aki di hende cu ta ontduik belasting, ta mas bien stranheronan cu tin restaurantnan na Aruba.

DROGA HAYA DEN HOTEL GRANDI NA PLAYA TABATA PA UN ARUBIANO

ORANJESTAD (AAN): E droga haya den camber 401 na un hotel grandi na playa tabatin su doño! Esey ta informacion nobo cu DIARIO ta dispone di dje.

Manera ta conoci cu e personal di limpieza a haya e droga aki den e camber y mesora ta avisa e demas autoridnan di e hotel cu a bin na e lugar y mirando cu aki ta trata di un caso serio a pone e personal di seccion crimen organiza mesora na altura di e caso aki cu a bin na e camber di e hotel y ta confirma cu loke a ser haya tabata droga.

E doño di e droga mes un tal John Pitre, kende a baha na awa pa Ohio, Merca, pero na su yegada ayanan a yama bisa esnan di e hotel pa warda e maleta pe ya cu e lo bolbe pa asina bin busca nan.

Sinembargo e droga aki no tabata droga cu mester a sali for di Aruba pero mas bien droga cu a drenta Aruba pa un persona local segun informacion.

Na mas cu un ocasion e homber John Pitre a bay na e cas di e Arubiano kende segun informacion no ta na Aruba y informacion haya ta bisa cu e Arubiano no conoce e homber Pitre tampoco.

Asina aki e homber cu lo a haye den un preta a haye ta laga e maleta carga cu droga atras kizas cu e intencion di bin busca esaki bek local va

no ta bay ta posibel mirando cu e droga ya ta den man di autoridnan local.

Mirando e caso aki autoridnan lo no por pone man riba e acusado Pitre kende a bay den exterior pero segun informacion cu nos tin ta bisa cu autoridnan no sa precisamente unda e ta di tal forma cu lo por pidi despues su extradicion.

E Arubiano tampoco lo por haci nada cune ya cu e palabra di e acusado Pitre no ta conta den e caso aki te pa e Arubiano por cay sera y ser sentencia.

Homber ta haci cosnan mahos

ORANJESTAD (AAN): Tabata casi 2'or di merdia, presencia di Polis a worde solicita pa un homber burachi, fastioso, y kende pa colmo su comportacion tabata masha fresco.

Central a dirigi un Patruya na altura di Pos Chikito Rumshop pa atende e denunciante. Polis a topa cu e señora Venezolano di 26 aña inicial F.L. Segun declaracion di e denunciante, cu un rato prome un tal J.P. bao di influencia a saca su parti delicado y a exhibi esaki.

Despues cu Polis a scucha e version aki, mesora e agentenan a hala atencion debido di e tal J.P., encuanto su comportacion inaceptable y a mande su cas.

Parce segun version Policial e homber aki lo mester di atencion medico ya cu e lo ta sufrí di problema mental.

LEY DI MINI-MARKET!!

